



Broj:0602-1455-6-6/17
Sarajevo: 07.08.2017.god.

Na osnovu člana 70. Zakona o javnim nabavkama („Službeni glasnik BiH“ br: 39/14), i člana 43. i 47. Statuta KJKP "POKOP" d.o.o. Sarajevo, a na prijedlog Komisije za javne nabavke konstatirane u Zapisniku o pregledu i ocjeni ponuda broj 0602-1455-6-5/17 od 27.07.2017. godine, Direktor d o n o s i

ODLUKU

o izboru najpovoljnijeg ponuđača
u otvorenom postupku

Član 1.

Ugovor za nabavku roba „Nabavka drvenih mrtvačkih sanduka“ LOT 1 Nabavka drvenih mrtvačkih sanduka Obični model dodjeljuje se ponuđaču Palma d.o.o. Jastrebarsko, Hrvatska.

Član 2.

Ponuda ponuđača Menina d.d. Slovenija se odbija u skladu sa članom 68. Zakona o javnim nabavkama („Službeni glasnik BiH“ br.39/14) kao neprihvatljiva za ugovorni organ.

Član 3.

U skladu sa članom 70.stav 6. Zakona KJKP POKOP d.o.o. Sarajevo, će ovu Odluku objaviti na svojoj internet stranici i to istovremeno s upućivanjem Odluke ponuđačima koji su učestvovali u postupku nabavke.

Član 4.

Ova Odluka stupa na snagu danom donošenja.

O b r a z l o ž e n j e

KJKP Pokop d.o.o. Sarajevo je u skladu sa čl. 18. i 25. Zakona o javnim nabavkama pokrenulo Otvoreni postupak za nabavku roba „Nabavka drvenih mrtvačkih sanduka“ LOT 1 Nabavka drvenih mrtvačkih sanduka Obični model.

Na portalu javnih nabavki objavljeno je obavještenje o nabavci broj 775-1-1-98-3-30/17 od 12.07.2017 godine.

Kriterij za dodjelu ugovora je " najniža cijena".

Na osnovu Obavještenja o nabavci i tenderske dokumentacije izvršeno je javno otvaranje ponuda dana 27.07.2017. godine u 12:30 sati u prostorija KJKP POKOP d.o.o. Mula Mustafe Bašeskije 38, Sarajevo, što je konstatovano u zapisniku o otvaranju ponuda u skladu sa Zakonom o javnim nabavkama („Službeni glasnik BiH“ broj 39/14).

Komisija je na javnom otvaranju konstatovala da je svoje ponude predalo 2 (dva) ponuđača.

BAS EN ISO 9001:2000 / 14001:2004

Komisija je prema članu 65. ZJN pristupila pregledu i ocjeni ponuda, što je konstatirano u Zapisniku o pregledu i ocjeni ponuda koji je sastavni dio ove Odluke. Takođe komisija Ugovornog organa je dana 04.08.2017.godine, izvršila obilazak skladišta ponuđača te utvrdila da su isti pripremili sve uzorke sa lager liste što je i konstatovano u Zapisniku o pregledu uzoraka.

Ponuda ponuđača **MENINA d.d. Slovenija** se odbija kao neprihvatljiva, jer ponuda nije bila tehnički zadovoljavajuća, obzirom da ponuđač u svojoj ponudi nije imao propisno ovjerene izjave o ispunjenosti uslova iz čl. 45. i čl. 52. Zakona o javnim nabavkama BiH („Službeni glasnik BiH” broj 39/2014).

Ugovorni organ je tačkom 18. Tenderske dokumentacije propisao koje sve Izjave i dokumente ponuđači u svrhu dokaza svoje lične sposobnosti, kao i drugih uslova za kvalifikaciju trebaju dostaviti. Tačkom 9. Tenderske dokumentacije je posebno navedeno:

9.1 Ponuđač je dužan u svrhu dokazivanja lične sposobnosti dokazati da:

- a) u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
- b) nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- c) je ispunio obaveze u vezi sa plaćanjem penzijskog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini ili propisima zemlje u kojoj je registrovan;
- d) je ispunio obaveze u vezi sa plaćanjem direktnih i indirektnih poreza, u skladu sa važećim propisima u Bosni i Hercegovini ili zemlji u kojoj je registrovan.

U svrhu dokazivanja uslova iz tački a) do d) ponuđač je dužan dostaviti popunjenu i ovjerenu kod nadležnog organa, izjavu koja je sastavni dio Tenderske dokumentacije

Također je ponuđač Menina d.d. Slovenija propustio ovjeriti Aneks 10 - Nacrt ugovora, što nije u skladu sa tačkom 34. Tenderske dokumentacije je traženo „Ponuđači su dužni uz ponudu dostaviti Nacrt ugovora u koji su unijeli podatke iz svoje ponude, te ovjeriti i parfirati Nacrt ugovora“.

Ponuđač **Menina d.d. Slovenija** u svojoj ponudi je vršio ispravke u Aneksu 3 „Obrazac za cijenu ponude“ na stranici 7/50 u rubriku „kataloška oznaka modela“, Aneksu 5 Spisak realizovanih ugovora – Referenc lista pod rednim brojem 1. u rubrici „Vrijeme i mjesto izvršenja ugovora“ i pod rednim brojem 8. u rubrici „Vrijednost ugovora“ ispravke nisu rađene na način kako je zahtijevano tačkom 17. Tenderske dokumentacije „Svaka ispravka u ponudi mora biti izrađene na način da je vidljiva i potvrđena potpisom ponuđača“.

Dakle ponuda ponuđača **Menina d.d. Slovenija** se odbija u skladu sa članom 68. stav 4). tačka i) Zakona o javnim nabavkama BiH, jer ne ispunjava formalno pravne zahtjeve iz tenderske dokumentacije.

Shodno prijedlogu i preporuci Komisije za javne nabavke, Ugovor za „Nabavka drvenih mrtvačkih sanduka“ LOT 1 -Nabavka drvenih mrtvačkih sanduka Obični model u vrijednosti od 170.188,54 KM na paritetu DDP dodijeljuje se ponuđaču Palma d.o.o. Jastrebarsko sa registriranim sjedištem u ulici ul. Donja Reka 24, Jastrebarsko, koji je u otvorenom postupku podnio najpovoljniju ponudu.

Shodno navedenom ugovorni organ je prihvatio prijedlog Komisije i donio Odluku kao u dispozitivu.

Pouka o pravnom lijeku :

Protiv ove Odluke može se uputiti žalba u roku od deset (10) dana od dana prijema ove Odluke. Žalba se izjavljuje ugovornom organu u pisanoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri.


DIREKTOR

GORAN CERIĆ

Prilog :

- Kopija zapisnika o pregledu i ocjeni ponuda
- Kopija Zapisnika o prgledu uzoraka

DOSTAVITI:

1. Ponuđaču;
2. Nadležnoj službi;
3. a/a Preduzeća.